

Komisioni për Mbrojtjen e Konkurrencës, në bazë të nenit 28 dhe nenit 19 paragrafi (1) pika 2) të Ligjit për Mbrojtjen e Konkurrencës („Gazeta Zyrtare e Republikës së Maqedonisë“ nr. 145/10, 136/11, 41/2014, 53/16, 83/18 dhe „Gazeta Zyrtare e Republikës së Maqedonisë së Veriut“ nr. 208/24 dhe 16/25), duke vepruar sipas njoftimit për përqendrim të parashtruar nga Magna MedTech Group Limited, me seli të regjistruar në Avenue Themistokli Dervi nr. 48, Athienitis Centennial Building, kati i 3-të, zyra 303, 1066 Nikozia, Qipro, përmes avokatit Bozhidar Millosheviq nga Shkupi, në seancën e mbajtur më 09.03.2026, mori këtë

### AKTVENDIM

1. Konstatohet se përqendrimi me të cilin Magna MedTech Group Limited, me seli të regjistruar në Avenue Themistokli Dervi nr. 48, Athienitis Centennial Building, kati i 3-të, zyra 303, 1066 Nikozia, Qipro, do të fitojë kontroll mbi RSR EOOD, me seli të regjistruar në rr. Viktor Grigoroviç nr. 3, Sofje 1606, Bullgari, përmes shitblerjes së pjesës, edhe pse bie nën dispozitat e Ligjit për Mbrojtjen e Konkurrencës, nuk do të ketë si pasojë pengimin, kufizimin ose cenimin e konsiderueshëm të konkurrencës efektive në treg ose në një pjesë thelbësore të tij, veçanërisht si rezultat i krijimit ose forcimit të pozitës dominuese të pjesëmarrësve, dhe **është në përputhje me dispozitat e Ligjit për Mbrojtjen e Konkurrencës në kuptim të nenit 19 paragrafi (1) pika 2) të Ligjit për Mbrojtjen e Konkurrencës.**

2. Detyrohet parashtruesi i njoftimit për përqendrim të paguajë taksë administrative për njoftimin e përqendrimit në shumë prej 6.000,00 denarë dhe për aktvendimin në shumë prej 30.000,00 denarë, sipas numrit tarifor 34 të Ligjit për Taksat Administrative („Gazeta Zyrtare e Republikës së Maqedonisë“ nr. 17/93, 20/96, 7/98, 13/01, 24/03, 19/04, 61/04, 95/05, 7/06, 70/06, 92/07, 88/08, 130/08, 6/10, 145/10, 17/11, 84/12, 192/15, 23/16 dhe „Gazeta Zyrtare e Republikës së Maqedonisë së Veriut“ nr. 151/21), në llogarinë e Buxhetit të Republikës së Maqedonisë së Veriut nr. 100000000063095, llogaria e pagesës 840...03161, kodi dhe programi i të ardhurave 72231300.

3. Padia për ngritjen e kontestit administrativ nuk e shtyn ekzekutimin e këtij aktvendimi.

### A r s y e t i m

Në përputhje me dispozitat e nenit 15 të Ligjit për Mbrojtjen e Konkurrencës (në tekstin e mëtejshëm: Ligji), më 12.02.2026, pranë Komisionit për Mbrojtjen e Konkurrencës (në tekstin e mëtejshëm: Komisioni) u dorëzua njoftim për përqendrim nga Magna MedTech Group Limited, me seli të regjistruar në Avenue Themistokli Dervi nr. 48, Athienitis Centennial Building, kati i 3-të, zyra 303, 1066 Nikozia, Qipro, me të cilin Magna MedTech Group Limited do të fitojë kontroll mbi RSR EOOD, me seli të regjistruar në rr. Viktor Grigoroviç nr. 3, Sofje 1606, Bullgari, përmes shitblerjes së pjesës.

Komisioni filloi shqyrtimin e Njoftimit në ditën e pranimit të tij dhe, në bazë të të dhënave të paraqitura në Njoftimin për përqendrim dhe shtojcave të bashkëngjitura, konstatoi si vijon:

#### **Aktivitetet themelore afariste të ndërmarrjeve të përfshira:**

Magna MedTech është një shoqëri investuese holding e cila zotëron pjesëmarrje kontrolluese në shoqëri të varura aktive në distribuimin e pajisjeve dhe teknologjisë mjekësore në Evropën Juglindore.

Magna MedTech nuk është e pranishme dhe nuk ka realizuar të ardhura nga veprimtari të rregullta afariste në Maqedoninë e Veriut (në vitin 2024, Magna MedTech ka realizuar të ardhura marginale nga një shitje e vetme në Maqedoninë e Veriut, pa ndonjë prani të vazhdueshme afariste të Magna MedTech në Maqedoninë e Veriut).

Magna MedTech është nën kontroll të përbashkët të grupit të shoqërive Emma Capital dhe znj. Jasna Stanivuk, shtetase e Republikës së Serbisë. Veprimtaria prioritare e Emma Capital është investimi dhe menaxhimi i shoqërive, përkatësisht aktivitetet e shoqërive holding. Emma Capital nuk është e pranishme dhe nuk ka realizuar asnjë të ardhur në Maqedoninë e Veriut. Znj. Stanivuk, përmes shoqërive të saj të varura, është aktive në sektorin e tregtisë me shumicë dhe në sektorin e dhënies me qira dhe menaxhimit të pasurive të paluajtshme, ekskluzivisht në Republikën e Serbisë.

RSR EOOD është furnizues i mjeteve mjekësore dhe është i specializuar në importin dhe distribuimin e pajisjeve, instrumenteve dhe mjeteve mjekësore e laboratorike, të destinuara për institucione mjekësore dhe edukative-shëndetësore, laboratorë dhe industri specifike.

Në Maqedoninë e Veriut, RSR EOOD është e pranishme përmes shoqërisë RSR S. MAKEDONIJA SHPKNJP import-eksport Shkup, me seli të regjistruar në adresën rr. Jordan Mijallkov nr. 48/5, Qendër, Shkup. RSR S. MAKEDONIJA SHPKNJP import-eksport Shkup furnizon produkte farmaceutike dhe mjekësore për institucionet publike dhe private shëndetësore, duke përfshirë spitalet, klinikat, qendrat shëndetësore dhe personat e tjerë të autorizuar, dhe vepron në kuadër të territorit të Republikës së Maqedonisë së Veriut.

Komisioni konstatoi se përqendrimi i paraqitur bie nën dispozitat e Ligjit për Mbrojtjen e Konkurrencës, pasi i plotëson kushtet e nenit 12 paragrafi (1) pika 2) dhe nenit 14 paragrafi (1) pikat 1) dhe 2) të Ligjit

Komisioni, duke pasur parasysh kriteret nga neni 17 paragrafi (2), paragrafi (3) dhe paragrafi (4) i Ligjit për Mbrojtjen e Konkurrencës dhe pikën 6 b) të *Udhëzimeve për përcaktimin e rasteve në të cilat gjatë vlerësimit të përqendrimeve Komisioni për Mbrojtjen e Konkurrencës zakonisht do të konstatojë se ato janë në përputhje me Ligjin për Mbrojtjen e Konkurrencës*, vlerësoi se përqendrimi i njoftuar, edhe bie nën dispozitat e Ligjit, është në përputhje me të, sepse nuk do të ketë si pasojë pengimin, kufizimin apo shtrembërimin e ndjeshëm të konkurrencës efektive në treg ose në një pjesë thelbësore të tij, veçanërisht si rezultat i krijimit apo forcimit të pozitës dominuese të pjesëmarrësve.

Duke pasur parasysh këtë vlerësim të përqendrimit, Komisioni vendosi si në dispozitivin e këtij Aktvendimi, në përputhje me nenin 19 paragrafi (1) pika 2) të Ligjit.

Në përputhje me nenin 53 paragrafi (2) të Ligjit, padia nuk e shtyn ekzekutimin e aktvendimit.

#### **Udhëzim për mjetin juridik:**

Kundër këtij aktvendimi mund të ngrihet padi për fillimin e kontestit administrativ pranë Gjykatës Administrative në afat prej 30 ditësh nga dita e pranimit të aktvendimit.

**KOMISIONI PËR MBROJTJEN E KONKURENCËS  
KRYETARE**

**Mr. Малинка Силјановска Николиќ**

